


Reportahe exclusivo realiza na Lima, Peru..

Fotos/texto: Jan Poets.


DEN AMBIENTE

** DEN AMBIENTE tabata testigo di e dos exitoso conciertonan di Chichi Peralta y Son Familia na Lima, Peru. Awe den un forma exclusivo DEN AMBIENTE ta presenta fotonan tuma durante e dos exitoso conciertonan cu Chichi Peralta y Son Familia a realiza na Lima, Peru, hunto cu nos orguyo musico Arubano Hildward Croes. Tabata realmente un honor y privilegio pa DEN AMBIENTE por a realiza e gira

historico aki hunto cu Chichi Peralta y Son Familia, cual a inicia na Viña del Mar, Chile. Muy pronto por bay spera e cobertura historico aki via Tele Aruba, durante e programa "POETS TV". Mientrastanto awetardi durante e programa "Show di Poets" na Top 95 fm, lo pasa e grabacion di tanto e presentacion durante e magno festival Viña del Mar na Chile y tambe e dos conciertonan na Lima, Peru...



** Aruba su orguyo musico internacional Hildward Croes den pleno actuacion cu su acordeon durante e cancion "Me Enamore"..



** Jandy Feliz cantante y autor di e hitnan "Amor Narcotico", "Me Enamore y Procura"...




** Esaki tabata e momento mas impactante di e bishita di Chichi Peralta na Lima, Peru, cual tambe a cay na agrado di henter e pueblo peruano. E joven aki di apenas seis aña di nomber Cristian, a ser descubri den un bus ta canta e cancion "Procura" di Chichi Peralta, cual e ta realiza pa mantene su famia. E joven aki a ser presenta den e programa di e popularisima presentadora Laura na canal 4 AMERICA TV, na unda Chichi Peralta a invita e joven pa presenta e cancion "Procura" durante e concierto, cual porcierto tabata un soño realiza di e joven aki. Durante e presentacion aki, esaki a causa un impacto total tanto serca e publico como tambe despues den e propio programa di Laura y tambe a ser pasa durante noticia di canal 4..



** Un bista di e espectacular escenario durante e concierto na e Playa Tortolitas, cual ta situa tres hora for di Lima. Esaki ta un zona exclusivo di e hendenan mas rico di Peru..



** Di e forma aki Chichi Peralta tabata pone e publico peruano den un ambiente sin presedente..



** Cu e super hit "La Ciguapa" y cu un monton di e chicknan Peruano riba escenario y tambe miembronan di seguridad, Chichi Peralta y Son Familia a despedi di e publico Peruano cu nan exitoso concierto den un broche de oro..



** Di e forma impresionante aki e concierto na Jockey Plaza a termina, cual tambe ta un sitio di hendenan potencial di Peru..